

DIARII

I MAGGIO MDXXVII. — XXX AGOSTO MDXXVII

1 Del mese di Mazo 1527.

Adi primo, fo San Filippo Giacomo. Fo un cattivissimo tempo di pioza et vento grande per tutto il zorno, *adeo* sier Domenego Lion, doveva far l'intrada Podestà di Chioza, per il tempo non potè andar; il qual voleva far una somptuosa intrada.

Introe Cai del Conseio di X sier Francesco da cha' da Pexaro et sier Andrea da Molin barba et nievo; ma il terzo, sier Francesco Foscari, per haver passà anni 80, non vene all' officio.

Di Roma, fo lettere di sier Domenego Venier orator nostro, di . . . Come il Papa feva 8000 fanti per defendersi dal campo cesareo, et havia hauuto da romani, di la promessa li feno di ducati . . . milia, ducati 12 milia; et havia expedito capitani di fanti con danari per andar a farli. *Etiam* li cardinali fevano la so parte. Soa Santità mandava in Franza Lorenzo Toscan al Re Christianissimo insieme con monsignor Rosel nontio del Serenissimo re di Anglia, il qual poi andarà in Anglia per causa di la liga nova fatta, et accertar questa Santità vol esser bon italian.

Da poi disnar fu Gran Conseio. Non vene il Serenissimo per il tempo.

Fu posto, per i Consieri, il capitolo di la parte presa a di 29 del passato, zerca far uno terzo Camerlengo di comun con oblation di danari, per

poter uno di Camerlengi attender all'impresto come altre fiate fu fatto, *ut in parte*. Ave: 2 non sincere, 114 di no, 866 di si; fo presa.

Fu poi letta, per intelligentia di tutti, la parte presa in Pregadi zerca il modo di far li capi di creditor, *ut in ea*, et poi ditto Sabato proximo damatina, tutti quelli hanno prestado se redugino in questa sala per far la eletion di 12, *ut in parte*.

Fu posto per li Consieri, non era sier Alvise Michiel, Cai di XL, non era sier Hironimo Moro, la parte di far 62 officii et rezimenti con oblation di danari, *ut in ea*. Fu presa, ave: 1 non sinciera, 382 di no, 572 di si. Se ballote 86 voltava, non era presa.

Scurtinio di Capitania a Padoa. Non passò.

Sier Cristofal da Canal fo di la Zonta,
qu. sier Zuane, ducati 800 . . . 39. 80

Podestà a Vicenza.

Sier Marco Antonio Donado di sier
Andrea, qu. sier Antonio el cavalier,
ducati 500 . . . 57. 59
Sier Agustin Contarini di sier Marco Antonio, sier qu. Alvixe, ducati 600 . 44. 69
Sier Zuan Battista Moro fo podestà a
Monfalcon, qu. sier Fantin, duc. 600 31. 88
Sier Agustin Contarini di sier Tomà,
qu. sier Michiel, ducati 400 . . . 52. 61